

## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Impedimentis Matrimonii, Usu Et Divortio

**Bosco, Jean a**

**Lovanii, 1685**

Concl. IV. Ut valeant impedimenta, requiritur justa causa. Èâ existente,  
etiam personæ particulares redduntur inhabiles.

---

[urn:nbn:de:hbz:466:1-73448](#)

wibentes  
sunt omnino  
sublata.

editæ, sunt omnino sublatae, ut in c. fin. de Se-  
cundis nuptiis. Et non videtur probabile &c. ut  
sup. Ita Felinus.

Fallentias hujus doctrinæ videre poteris apud  
eundem Auctorem n. 14. nimis multæ sunt,  
quam ut hic possint commodè apponi. Lege et-  
iam, quæ de hac re scriptissimæ dñp. præced. loco  
sup. citato.

118.  
Proposun-  
tur due no-  
ve queſio-  
nes.

Impræsentiarum quæritur: utrum supposita  
legitima potestate constituendi impedimenta di-  
rimentiæ, valeat constitutio seu lex, facta sine  
justa causa. Secundò; an existente justa causâ,  
etiam personæ particulares possint reddi inhabiles.  
Pro responsione ad utramque quætionem erit.

## G O N C L U S I O IV.

Ut valeant impedimenta, requiri-  
tur justa causa. Èa existente,  
etiam personæ particulares red-  
duntur inhabiles.

119.  
Non licet si-  
nè iusta cau-  
sa conſtru-  
re impedi-  
menta.

**N**on disputatur hic, an liceat constituere  
impedimenta sine justa causa; quippe ab  
omnibus supponitur, id non licere, cum nullus  
Legislator possit uti suâ potestate in destruc-  
tionem boni communis, sed tantummodò in ædi-  
ficationem, juxta illud Apostoli 2. Cor. 10. v. 8.

2. Cor. 1.

Nam eti amplius aliquid gloriatus fuero de potesta-  
te nostra, quam dedit nobis Dominus in adiunctionem & non in destructionem vestram, non erubescam. Foret autem destrucción seu dissipatio boni  
communis, & non ædificationem seu rectam administra-  
tiō, si Pontifex aut aliis Legislator, impe-  
diret vel irritaret Matrimonium, quod jure na-  
ture omnibus concessum est, pro suo libitu abs-  
que ulla rationabili causa.

120.  
Major cau-  
ſa requiri-  
tur ad irri-  
tam, quam  
simpliciter  
prohibēdum,  
ex Tappero.

Et (ut bene advertit Ruard. Tapperus art. 20.  
Lovanensi paulò post principium) major exi-  
gitur causa ad dirimendum, quam ad simpliciter  
prohibendum Matrimonium; & sèpè aderit  
justa causa prohibendi, non tamen dirimendi;  
quia dirimere gravius est, quam simpliciter pro-  
hibere.

Interim, quia multa potest illicite efficere  
Pontifex, aut aliis Legislator, quæ tamen si  
fiant, obtinent roboris firmitatem; exemplum,  
dispensare in propria lege, quod secundum plu-  
rimos Doctores valet, tametsi neutiquam li-  
ceat; hinc dubitant aliqui; an similiter, si Pon-  
tifex, aut aliis Legislator absque causa justa  
decrenat impedimentum aliquod, teneat factum,  
ita ut sit peccatum, cum eo impedimento inire  
Matrimonium; &, si fuerit impedimentum  
dirimens, Matrimonium initum minime va-  
leat.

121.  
Probatur  
impedi-  
mentum, sind  
causa pos-  
sum, valere.

Pro parte affirmativa præter exemplum jam  
allegatum, facit; quod olim potuerit Pontifex  
dirimere Matrimonium intra septimum consan-  
guinitatis gradum contractum, ut constat ex  
cap. Ad sedem, 35. q. 5. qui gradus hodie re-  
stricti sunt, c. Non debet, de Consanguin. & Af-

finit. Ergo olim plura erant impedimenta, quæ  
postea successu temporis ablata sunt: quod lig-  
num est non fuisse ante necessaria aut utilia, &  
tamen adhuc ligabant.

Inde quædam potius erant noxia, ut colligi-  
tur ex Trident. sess. 24. c. 2. de Matr. ibi: Trident.  
Docet experientia, propter multititudinem prohibiti-  
onum, multoties in casibus prohibitis ignoranter con-  
trahi Matrimonia, in quibus vel non sine magno  
peccato perseveratur, vel ea non sine magno scandalo  
dirimuntur. Et ideo Concil. eo cap. & duobus  
sequentibus p̄c & utiliter abstulit quosdam im-  
pedimentorum gradus.

Atque pro hac sententia citantur Hoffiensis <sup>Auctores pro</sup>  
cap. Tua fraternitas, de Sponfa duorum, ad finem, <sup>bac doctrina-</sup>  
dicens: Fortè ita esse. Veracruz 1. part. Specul. <sup>na.</sup>  
art. 46. & Vega to. 2. c. 34. casu 128.

Ceterum (inquit Sanchez lib. 7. dñp. 1. n. 6.) <sup>122.</sup>  
omnino tenendum est, ad valorem prohibito-  
nis desiderari justam causam. Et proinde cā non  
existente, dicendum est, Matrimonium contra  
eam initum validum esse, & culpâ vacare.  
Quoniam cū Matrimonium sit vinculum jure  
naturali & Divino inventum, ac omnibus con-  
cessum, excepto saltem primo gradu consanguini-  
nitatis inter ascendentis & descendentes, non  
potest Pontifex illud ad libitum interdicere; sed  
sicut dispensatio in illis, quæ jure naturæ obli-  
gant, facta absque causa, est irrita; ita censem-  
endum est de prohibitione Matrimonij absque le-  
gitima causa. Hec ille.

Eam doceat <sup>Eam doceat</sup>  
Hoffiensis. <sup>Hoffiensis.</sup>  
Est sententia communis, quam docet idem  
Hoffiensis in Sum. tit. de Matrimonio contra  
interd. Eccles. ubi n. 3. in principio sic scribit:  
Quid juris sit de Matrimonio contra interdi-  
ctum Ecclesiæ contracto. Et quidem aut interdi-  
ctum fit sine causa, & tunc nullum est interdi-  
ctum; arg. inf. de Accusat. Cum dilecti, §. 1.  
Et ad finem ejusdem tit. hæc lego verba: Mihi  
videtur, quod in hac quætione currendum sit ad  
intentionem Papæ, qui ex causa reddit personas  
inhabiles ad contrahendum: nam sicut genera-  
lem super hoc condit constitutionem ( scilicet  
ex causa ) sic & speciale, & localem, & per-  
sonalem. Si ergo intendit, quod Matrimonium  
contra tale interdictum suum factum non valeat,  
nullum esse Matrimonium judicabo. Ita Ho-  
ffiensis.

Eisque subscribit Pontius lib. 6. c. 3. n. 1. <sup>123.</sup>  
dicens: Non est in hoc casu specialis aliqua dif-  
ficultas; sed communis omni Principis legi, &  
ex eo principio decidenda; an lex vim habeat  
obligandi, nisi justa sit & rationabilis: de quo  
in materia de Legibus latè. Nunc breviter dico,  
jus semper ex ratione aëstimandum esse; &  
quemadmodum sine ratione justitia non est, ita  
neque jus. Ut enim Ulpianus in lege, Ius civile,  
ff. de Iust. & Iure: Ius civile est, quod neque in  
totum à naturali vel gentium reddit, nec per omnia  
ei servit. Itaque cum aliud addimus, vel detrahimus  
juri communi, jus proprium, id est, civile efficiamus.

Ex quibus verbis, ut inquit Mijssingerus Inst.  
de Iure naturali in principio n. 22. planè con-  
stat, humanum jus esse determinationem juris  
naturalis, ius naturalis.

Humanum  
ijs est deter-  
minatio ju-  
ris naturalis.

naturalis. Si igitur recedat in totum à jure naturali, non determinat, sed magis affingit aliquid incognitum naturæ, id est, ut Aristoteles ait: *Quod nullam causam in natura habeat.* Non ergo lex, sed quædam tyrannis & carnificina censenda est. Recedit autem à naturali jure lex, quæ ratione non nititur.

*Qualis debet esse lex, ex Isidoro.* Rectè igitur scriptum est ab Isidoro in cap. 2. dist. 4. Erit autem lex honesta, justa, possibilis, secundum naturam &c. nullo privato commodo, sed pro communi civium utilitate conscripta. Quare quæ rationabilis non est, neque jus, neque lex est; ac proinde, salvâ conscientia, ei legi non parere licet.

*125.* Vi quidem ( inquit Donellus lib. 1. Comment. c. 5. vers. Constitutio est ) fieri potest, ut pareamus, & jus etiam verbo dici potest; re autem ipsa nil nisi vis erit, jus non erit. Sed cur ea, que Princeps turpiter jubet vel prohibet, non dicantur jus, cum hæc sæpè jubeant severius, quæ honesta; jus autem appellatum est a jubendo? Verum hic iussus pro iussu habendum non est, atque adeò revera non est iussus: jubere enim est, jubere ut quid fiat, quod & fieri potest: quæ autem turpia sunt, ea nec facere posse credimus. 1. Filius, ff. de Condit. instit. ibi: *Nam quæ facta ledunt pietatem, estimationem, reverendiam nostram, & ( ut generaliter dixerim ) contra bonos mores fiunt, nec facere nos posse credendum est.*

*Lex injusta ex d. Aug.* Hinc scitè dixit August. lib. 1. de Libero arbitrio, c. 5. *Mihi lex esse non videtur, quæ justa non fuerit.* Et lib. 19. de Civit. c. 21. *Quod jure fit, justè fit, quod autem sit injustè, nec jure fieri potest; non enim iura putanda sunt vel dicenda iniqua hominum constituta.* Porro iniquum est prohibere vel irritare Matrimonium absque rationabili causa, ut constat ex dictis.

*126.* *Non convenit unicuique judicare de iustitia causa; ex Averfa.* Hæc potestas ( prohibendi vel irritandi Matrimonia ) data est Superioribus ( inquit Averfa sup. sect. 4. § Fatendum tamen ) ad rectam & justam gubernationem & utilitatem subditorum: ergo deficiente justa causâ non possunt validè subditos adstringere, & limitare eorum libertatem. Non tamen integrum esset quibuslibet privatis subditis dijudicare de justa causa, si adfuerit. Quinimò regulariter presumendum est pro lege, quando non constat oppositum. Hæc ille.

*127.* *Nullum impedimentum in Ecclesia sine iusta causa; ex eod.* Et sanè ( Prosegitur idem Auctor ) de nullo impedimento admitti debet, fuisse unquam in Ecclesia absque justa causa constitutum. Et alioqui illi Auctores concedere deberent, peccare saltem Pontifices in quibusdam impedimentis constituendis: quod in re adeò solemnni & publica non nisi temerè cogitaretur. Ad sumnum ergo admitti debet, quasdam causas esse, non ita urgentes, sicut alias, esseque velut arbitrarias, quibus prudenter moveri potest Legislator si velit, non tamen cum vehementer impellant; & ita congruenter possit in unam vel alteram partem inclinare, ut legem condat aut aferat. Ac rursus quasdam causas esse, quæ non semper in eodem statu persistant, quinimò

possint per alias successu temporis emergentes elidi. Quà præcipue ratione factum est, ut de quibusdam impedimentorum gradibus expediens aliquando fuerit constitui, & postea auferri. Haec tenus Averfa.

Et sic patet solutio ad 2. argumentum oppositæ sententiae, quam etiam prius adduxerat San- juſta cauſa olim eraz chez sup. dicens: Olim dum Ecclesia interdixit Matrimonium usque ad 7. consanguinitatis gradum; iusta interdicendi cauſam habuit: at post successu temporis experientia docuit, non, ex expedire gradus reſtringere, ut dicitur c. Non Sanchez. debet, 8. de Consanguinit. & affinit. & ita ibi reſtricti sunt. Posset autem Pontifex etiam modò plures gradus prohibere, si judicaretur adesse novam cauſam plures interdicendi. Id autem non posse iuste nec validè citra iustum cauſam, affirmamus. Hæc ille.

*128.* Transcribo ego verba d. cap. 8. ad majorem explicationem: *Non debet reprehensibile judicari* ( inquit Innoc. 3. in Concil. Generali Later. c. 50. ) *si secundum varietatem temporum, statuta quandoque variantur humana, praesertim cum urgens necessitas, vel evidens utilitas id exposcit.* *Quoniam ipse Deus ex his, que in veteri testamento statuerat, tamen suas nonnulla mutavit in nova.* Cum ergo prohibitiones de conjugio in secundo aut tertio affinitatis genere minime contrahendo, & de sobole suscepta ex secundis nuptiis, cognitioni viri non copulanda prioris, & difficultatem frequenter inducant, & aliquando periculum pariant animalium: cum cessante prohibitione, cesseret effectus: constitutiones super hoc editas, sacri prohibitione Concilij revocantes, prescriti constitutio- ne decernimus, ut sic contrahentes de cetero libere copulentur. Prohibitio quoque copula conjugalis, quarum copula con- summatum consanguinitatis & affinitatis gradum de cetero jugales non non excedat: quoniam in ulterioribus gradibus jam excedit ho- non potest absque gravi dispendio hujusmodi prohibi- dum.

Ubi Glossa verb. Revocantes, ait: *Gregorius tamen dicit: Qui dissolvit hæc genera affinitatis, negat verbum Dei in æternum manere,* 35. q. 10. Fraternitatis, ultra medium, versus finem. Qualiter ergo Innoc. dissolvit? *Hoc intellige sine causa, & ab alio, quam a successore Gregorij.*

Igitur ex causa potest Pontifex gradus restringere & ampliare. Neque hæc reſtrictio signatur gradus regulare extensionem, sed tantum hodie cestasile illam necessitatem, aut utilitatem, quæ anteā vehementer impeliebat Ecclesiam ad prohibendum vel irritandum Matrimonium in tali vel tali gradu, quod non officit nostræ Conclusioni.

Nec obstat etiam exemplum dispensationis in propria lege, quæ facta sine causa, quamvis illigita, tamen valida est. Nam in primis, apud me etiam est invalida. Sanchez autem sup. admissio eo exemplo, negat consequentiam. Et disparitas est: quod lex permittens omnibus Matrimoniis, sit naturalis: non valet autem dispensatio Pontificis in iis, quæ lege naturali obligant, facta sine justa causa; ergo nec interdictio Matrimonij in gradibus, jure naturæ concessis, non existente justa causa.

22 Disputatio 12. De Impedimentis Matrimonij, vſu & divort.

**E**xistente causā personae particulares redduntur inhabiles; scilicet ad Matrimonium contrahendum, vel pro aliquo tempore, & cum determinatā tantum personā, vel etiam pro perpetuo, & cum quācumque personā. Ita docet Sanchez sup. n. 7. & 8. cum aliis quos citat.

**131.** Atque in primis, posse Pontificem existente justā causā, v.g. magnae disparitatis inter contra-hentes, & timoris discordiarum gravium, aliquos privatos reddere inhabiles, ut inter se Matrimonium incant, probat hic Auctor n. 7. Quia si potest ex justa causa reddere irritum Matrimonium inter omnes personas certi generis, ut inter omnes consanguineos usque ad quartum gradum, cur non poterit irritare inter duas privatas personas, ubi tam urgens fuerit causa, ut id postuleat? Ita interrogat Sanchez. Et hæc est sententia Hostiensis sup. allegati, ibi: Mihi videtur &c.

**132.** Nunquid etiam Navarri? Lib. 4. Consil. in 1. edit. Tit. de Sponsal. toto Consil. 24. In 2. verò edit. tit. de Matrim. contr. cont. interd. Eccles. toto consil. 1. proponit hunc casum: Quidam juvenis filius nobilissimæ ac illustrissimæ familiae, ut prætenditur fascinatus, vult, invito ejus patre, cum muliere vilissima Matrimonium contrahere, non sine maximo ejus familiae dedecore. Quæritur modò; si ab ejus patre potest impetrari à Summo Pontifice motus proprius, per quem filio prohibeat, ne per annum absque patris voluntate contrahat, & si contraxerit, sit irritum & inane, ad hoc, ut infra illud tempus videatur, si orationibus mediatis ab hujusmodi fascinatione liberari possit, adèò quòd in se reversus, quod sibi & suæ familiæ convenit, faciat.

**E**cce casus. Ad quem utique Sanchez, si ei propositus fuisset, indubie respondisset, ab ejus patre posse impetrari à Summo Pontifice talem motum proprium. Sed quid putatis Navar. respondisse?

**133.** Respondeo (inquit) primò, certum esse circà hanc quæstionem, quòd Papa summus Christi Vicarius potest justā de causā Matrimonium interdicere alicui usque ad aliquod tempus, ut satis probat totus tit. de Matr. contract. contra interd. Eccles.

**S**econdò; hujusmodi interdictum inducere quidem impedimentum impediens Matrimonium contrahendum, sed non dirimens post contractum, ut ibid. probatur.

**T**ertiò; constare, quòd Papa potest facere legem, quā aliquod genus personarum fiat inhabile ad contrahendum, ut colligitur ex tit. de Consang. & Cognat. spirituali, & novissimè ex Concil. Trident. c. 1. de Reformat. Matr. sess. 24.

**134.** Quartò; rem sine exemplo esse, quòd Papa per suum interdictum particulare duas personas, aliqui habiles, faciat inhabiles ad contrahendum inter se Matrimonium, ita ut contractum sit nullum, & ita, mēa sententiā, indignam, quæ petatur, & indigneum, quæ concedatur; arg.

c. Legatur, 24. q. 2. & cap. Si habet, 24. q. 3. cui conseqens, prædictum motum proprium non debere peti, neque concedi.

**Q**uintò; quòd videtur iustè & honestè interdicere posse Papam cuiquam Parochio & Ordinario, ne interessent, presentevi essent, néve facerent facultatem sive licentiam alteri Presbytero, ut possit illi interesse, censuras & alias poenas imponendo eis, si contra fecerint; modò iusta causa id prohibendi subesset. Tum arg. c. fin. de Clandest. despōns. Tum, quia habet potestatem summam prohibendi peccata & occasionem eorum, ut in hac ipsa materia satis exprimitur in prædicto tit. de Matr. contract. &c. &c. **P**ræterea, de Sponsal. & d. cap. de Cland. despōns.

**S**extò; quòd prædicta fascinationis suspicio, proveniens ex tanta imparitate personarum, & ex tanto tantæ familiæ dedecore, & ex tanta pertinacia juvenis divitis & nobilis in deligen- dis nuptiis adèò indecoris, & timor, quòd penitentia, quæ illos de more consequetur, possit esse occasio, ut illa vel ferro occidatur, vel veneno, videntur justæ causæ, ut S.D.N. prohibere dignetur sub censuris & peenis gravissimis Parochio prædictæ mulieris, qui nunc est, & qui mutato domicilio fore, & Ordinario ejus, ne interessent hujusmodi nuptiis, nec aliis Presbyteris facultatem in eis interveniendi facerent intra annum, ad effectum pium in quæstione propositum: quia quæ causa in hoc justa sit, cum non definitur à jure, arbitrio prudentis & boni viri definiendum est, l. 1. ff. de Jure delib. & cap. de Causis, de Offic. deleg. Usque adhuc Nayar.

**U**bi, ut colligitur ex 4. resp. nihil decidit de potestate Pontificia, circà hoc impedimentum Navar. n. dirimens statuendum; sed præscindendo ab eo, bil. decidit' quòd Pontifex possit, vel non possit, solum de potestate Pape.

**Q**uòd etiam clarius significat consil. 2. eod. tit. n. 3. ibi. Non memini legisse apud aliquos, qui testarentur aliquem Summum Pontificem id unquam tentasse: & idèo licet in ea esset opinione, quòd de absoluta potestate possit hoc facere (puta constituere hoc impedimentum dirimens) non tamen facilè mihi persuaderem, quòd conveniret ut præcipiter fieri hoc ætate nostrâ, in qua multi (pro dolor) multa etiam vetera præcepta ejus ægrè suscipiunt. Hæc ille. Igitur non negat absolute possibilitem seu Maxime potestatem, sed solam convenientiam usus potestatis, idque maximè propter non usum usque ad tempora Navarri.

**N**egat convenientem usum potestatis. Qui utique si usum vidisset, aliter locutus fuisset. Vedit illum Additionator Navarri, sic Nostr. temporis. Describens in fine d. Consilij primi: Advertendum pote? apa tamen temporibus nostris Papam ex causa, n/a fuit illa potestate. prædictæ consimili, inhabilitas quamdam Illu-striss. personam ad contrahendum cum quadam muliere: itemque & quedam, qui ut eluderet sponsalia de futuro, pro quibus lis movebatur, tentabat cum alia contrahere Matrimonium de presenti. Timebantur enim in utroque casu

*non* levia scandala. Ita Additionator.

*Autor cum alijs concedit illam potestatem Pontifici.* Cumque Navarrus non adferat aliquam rationem urgenter, ad negandam Pontifici ejusmodi potestatem, malumus ipsi eam concedere; prout etiam concedit Pontius sup. n. 3. Coninck disp. 30. dub. 1. conclus. 4. Aversa sup. §. Deinde dubitatur. Dicast. sup. n. 31. Herinx disp. 6. n. 9. Eo semper salvo, ut ad sit justa causa, v. g. speciale delictum talium personarum, grave scandalum, vel damnum ex tali Matrimonio oriturum &c.

**138.** An verò (inquit Dicastillo sup.) in hac vel illa occasione pensatis circumstantiis sit causa sic sufficiens, vix, imò ne vix quidem, potest aliqua generalis regula ad id dignoscendum praescribi, quin omnia pendeant ab arbitrio prudentis. Varios casus adserunt aliqui, sed in illis ipsis, quando venitur ad rem, difficultas est in multis circumstantiis expendendis, an ibi sint omnia prudenter requisita. Legatur ibi Diana (part. 8. tr. 1. resol. 60.) & Auctores, quos ibi refert, & videbit lector (ni fallor) in quovis casu pendere rem totam à personalibus circumstantiis, & à loco, tempore, natione, nobilitate, capacitate, vehementi inclinatione & periculo spirituali, tum contrahentium, tum eorum, quorum interest, ut Matrimonium contrahatur, aut impediatur, aut differatur.

**139.** Itaque solum puto cadere sub doctrinam Theologi & Jurisperiti, quod possit Papa (quidquid aliqui reclament) ex caula impedimentum etiam dirimens inducere; non tamen cadere sub scientiam, regulam generalem tradere, quae doceat, causam, ab innumeris circumstantiis pendente, pro casibus occurribus esse sufficientem. Itaque puto eadem potestate posse uti Papam pro uno, atque pro communitate, quia non appetat ratio, cur non possit. Ipse tamen viderit, an tunc subsistat causa. Haec ille.

Planè Pontificis est, id videre, ne illicite juxta ac invalidè utatur suâ potestate, quod absit presumere. Et quidem, ut sup. dixi ex Ruardo Tappero, major causa requiritur ad irritandum Matrimonium, quam ad simpliciter prohibendum. Itemque, major causa requiritur ad irritandum Matrimonium cum quacunque persona, idque pro perpetuo, quam cum haec determinata, aut pro aliquo tantum tempore.

**140.** Urgentior (inquit Sanchez sup. n. 8.) difficultas est, num integrum sit Pontifici, justa subsistente causâ, personam aliquam reddere perpetuo inhabilem ad Matrimonium, que jure naturali habilis erat. Nam in casu præmisso, illi, qui à Pontifice reddebantur incapaces Matrimonij, inter se ipsos ineundi, non adstringebantur ad vitam cælibem traducendam; poterant enim ad alias transire nuptias. In prælenti autem, persona hæc cogeretur ad perpetuam continentiam, cum tamen ad illam nemo, absque proprio consensu, astringi possit, c. *Integritas*, 22. q. 1. nec privari Matrimonio, quod in temedium concupiscentiae natura ipsa indulxit. Ita Sanchez.

Et ecce ratio dubitandi. Quâ tamen non obstante, Sanchez ibid. docet, etiam in eo casu id licere Pontifici, dummodo existat rationabilis causa. Audite ipsum pro se loquentem: Alexander (inquit) de Nævo cap. *Tuas*, n. 17. de Sponsa duorum, refert ex Calderino ibi, Urbanum §. reddidisse inhabiles ad Matrimonium ineundum Barnabonem Vicecomitem & Dominum Mediolanensem, ac liberos ejus rebelles Ecclesie; & tunc agitatā hinc inde quæstione de potestate hac Pontificia, Calderinum sustinisse, id integrum esse Pontifici, quod idem sustinet Alex. de Nævo ibi. Et ita tenendum est.

Quamvis enim jus naturæ concedat cuilibet Matrimonium: at potest Pontifex in gravissimi delicti poenam eo jure quemquam privare, reddendo ipsum inhabilem, sicut posset capite plectere, aut in servitutem redigere, privando libertate, à natura concessâ.

Insuper: si potest Pontifex in poenam delicti, impetrare perpetuò Matrimonium, ita ut circa culpam læthalem iniri minimè valeat, ut de facto impeditivit propter incestum, & quædam alia crimina: ubi gravitas delicti id exegerit, cur non poterit ita alicui interdicere Matrimonium, ut contra prohibitionem initum efficiatur invalidum? Pontificis enim potestas non arcta est ad sola impedimenta Matrimonij impediens, sed ad dirimentia quoque extenditur. Hanc tenet Sanchez.

Cui libenter, cum aliis Auctoriis sup. allegatis, subscribimus. Nec video, quid dignum solutione possit objici, quod hic vel alibi non est objectum vel solutum. Solùm addo: quod jam dictum est de inhabilitandis personis particularibus per Pontificem, intelligendum etiam esse de aliis Principibus five fidelibus, five infidelibus, comparatione suorum subditorum, quibus in genere, juxta superius dicta, possunt statuere impedimenta dirimentia Matrimonium.

Si autem à me queritur: an Pontifice interdicente suo precepto aut constitutione Matrimonium, eo ipso redditur irritum, si contra eam prohibitionem ineatur?

Respondeo citius negativè: quippe ut doceatur in Tract. de Legibus, ut lex actum, quem prohibet, etiam irritare censeatur, necesse est, ut contineat clausulas exprestè irritantes; vel eo sensu sit usu recepta; vel concedat potestatem actus, non solùm apposita conditione, sed etiam conditionatè; vel denique prohibeat actum ratione effectus permanentis. Jam autem fieri potest, ut præceptum aut constitutio Pontificis interdicentis Matrimonium, neque contineat clausulas exprestè irritantes; nec eo sensu sit usu recepta; neque concedat potestatem actus conditionatè; nec denique prohibeat actum ratione effectus permanentis.

Et sane, quod non omnis lex, prohibens aliquem actum, ex vi verbii, seu ex sola natura rei, cum quoque irritet, satis constat ex eo, quod non prohibere actum, & irritare illum sint effectus valde diversi; quippe prohibere, solùm est præcipere.

cipere & obligare, ut actus non fiat : irritare autem non est præcipere, sed facere; scilicet reddere inefficacem voluntatem vel consensum ejus, aut inhabilitare personam. Ergo ut per legem fiant hi effectus, debent per ejus verba sufficienter explicari : sed per solum verbum Prohibendi, non explicatur effectus irritandi; ergo non sit talis effectus ex natura rei per legem, utentein purè & simpliciter verbo Prohibendi, quantumvis directè & specificè actum prohibeat.

Sepè separatur prohibitiō ab irritatiōne.

Liquet profecto, sèpè sèpius hūs duos effectus à se invicem separari, ut patet, ne extra propositorum divagemur, in impedimentis Matrimonij, quæ prohibentia seu impeditientia nuncupantur, superius in principio Scđt. enumerata, tam juris naturæ, quam Ecclesiastici. Licet enim Matrimonium illicitum reddant, minimè tamen invalidum, juxta illud cap. Ad Apostolicam, 16. de Regulari. Multa fieri prohibentur, quæ si facta fuerint, obtinēt roboris firmatatem.

145. Aliquando prohibetur actus, qui invalidari non potest, ut cùm alicui Sacerdoti prohibetur ne sacrificet, aut Episcopo, ne ordinet. Er- gò valde diversi sunt effectus prohibere actum, & irritare illum. Ac proinde manifestum est, legem, quæ utitur solo verbo, Prohibendi, seclusis extrinsecis circumstantiis, præcisè ex significazione illius verbi, non irritare actum quem prohibet.

Quo ergo fundamento dici potest, præcep- tum personale, vel legem Pontificis, quo sim- pliciter prohibet personis particularibus, vel quā interdit simpliciter alicui generi personarum Matrimonium, eo ipso ex vi seu natura illius prohibitionis, seclusis aliis circumstantiis, illud Matrimonium efficere irritum?

146. Quia in lex Pontificis irritat.

Igitur ut præceptum personale vel lex Pontificis, quo vel quā prohibetur Matrimonium, simul idipsum irritet, oportet ut contineat vel clausulas expressè irritantes vel usū ut irritans observetur, vel prohibeat ratione effectus per- manentis.

Hæc latius deducta, legere poteris apud Suarum lib. 5. de Legibus c. 25. & 26. Nam (ut notat Pontius lib. 6. c. 3. n. 2.) hæc communis difficultas est, quæ ex eā quæstione pendet, ex quibus verbis Legislatoris colligatur actum esse irritum, si contrà legem fiat, & ex eo prin- cipio decidenda. De quo DD. latè in materia de Legibus, & juris Interpretes in l. Non dubi- un, Cor. de Legibus: Hæc ille.

147. An plus re- 7. disp. 2. ubi fusissimè tractat de hac contro- quiratur, ut verba, plus aliquid requirere, ut Matrimonium Matr. sit ir- ritum, quam alij contra- eius, ex Sanchez.

Impræsentiarum tantum addo: Sanchium lib. 7. disp. 2. ubi fusissimè tractat de hac contro- quiratur, ut verba, plus aliquid requirere, ut Matrimonium sit irritum, quam benè alii contractus, eò quod Matrimonium sit res gravissima. Sic ergo scribit sup. n. 9. Cùm Matrimonium sit res adeò ardua, & gravissimum negotium sit illud irritare, specificam clausulam poscit. Ad sponsalia vero irritanda, non desideratur ea clausula specifica, sed satis est generalis, cùm ea irritare non sit res tanti momenti.

An sufficiat decretum generale irri- titans.

Et n. 11. ait: Similiter erit validum ( Matrimoniū ) quamvis sit decretum generale irri-

tans, & non referens se specificè ad Matrimo- nium. Ut si Pontifex, interdicens Matrimo- nium, addat: si quid contrà gestum sit fore ir- ritum & inane. Quare tunc clausula illa irritans debet intelligi, ut contrà gestum non valeat in præjudicium alicuius.

Item n. 12. Si clausula decreti irritantis faciat specificam Matrimonij mentionem, id irri- tans, si contrà prohibitionem initum sit, distin- guendum est, num causa sit temporalis ( ut ob- dici venerationem, vel ob litem pendentem ) an perpetua ( utpote quæ ad nullum tempus restri- cta est ) ut priori casu Matrimonium non red- datur irritum; sed sensus sit, ut Matrimonium sit nullum, non simpliciter, sed inquantum parat præjudicium alicui liti, ob cujus pendentiam est ad tempus interdictum: posteriori autem, irri- tum reddatur. Quia cùm Matrimonij irritatio sit res gravissima, non censenda est inducta ex tali clausula, adjecta prohibitioni ob causam tempo- ralem; sed juxta merita causæ dimetiendum est, an sit irritatio absoluta, an potius quoad pecu- liarem effectum. Hæc ille.

Ex quâ doctrinâ videtur sequi ( inquit Co- ninck sup. n. 11. ) absolvè irritum fore, si Quis si vere fuit contractum in præjudicium tertii; quia hec causa ex se est absoluta & perpetua. Quia tale fuerit contractum in præjudicium tertii, ex Matrimonium nec contrahi, nec continuari po- test sine perpetua injuriâ tertij, quæ tolli Coninck. nequit, nisi aut Matrimonium solvatur, quod fieri nequit, postquam semel validè contractum fuit; aut nisi laesus cedat omni jure suo, & in- juriam remittat, quod est planè per accidens: nec valor Matrimonij à conditione futura contin- genti pendere potest.

Quod si postea non reperiatur ullum impedi- mentum, aut præjudicium tertij, judicabitur Matrimonium ab initio fuisse validum. Ratio est; quia talis clausula admitit facilè hunc sensum, nec sine urgente necessitate Matrimonij absolute irritatio admittenda est, cùm res gra- vissima sit. Hæc ille.

Addit autem paucis interjectis: Quæ proba- bili sunt, sed magis nituntur quâdam Epicciâ, ac probabili DD. sententiâ, quam certâ ratione, quæ in re satis obscurâ, nobis sufficere debet: quare pluribus hæc non disputo.

Neque nos volumus pluribus disputare; sed Sententia Aversæ de controversiâ. Itaque q. 10. sect. 2. sic scribit: Fatendum tamen potius est, in universum quan- do Pontifex in suo interdicto, præter prohibi- tionem, addit etiam clausulam irritantem, rever- râ Matrimonium non solum fore illicitum, sed etiam fore irritum; & hujusmodi interdictum non solum esse impedimentum prohibens, sed etiam dirimens.

Suadetur facile; quia talis clausula irritans planè demonstrat intentionem Pontificis, ut si Probas clau- tale Matrimonium contrahatur, sit nullum & irritum: & utique aliquid addit supra simplicem prohibitionem, nempe nullitatem. Cùm ergo in Pontifice sit potestas dirimendi, & adhuc justa causa, in hoc enim casu loquimur, omnino red- ditur

ditur Matrimonium nullum & irritum.

*Quam eo-  
cei clausu-  
telligatur ipso facto, ut potè dicendo: Sit irri-  
lam irruan-  
tum, sit nullum, aliòve modo simili. Hic enim  
tem.*

loquendi modus non denotat solum separatio-  
nem conjugum quoad torum, sed totalem Mat-  
rimonij nullitatem. Si autem Pontifex diceret  
de futuro, *Tale Matrimonium erit irritandum, po-  
terit irritari;* tunc debebit intelligi tantum de  
separatione conjugum quoad torum, quia sup-  
poneretur Matrimonium fuisse validum, in quo  
proinde nō potest cadere talis dissolutio sed tan-  
tum separatio quoad torum.

**152.** Neque valet dicere; fortius esse vinculum  
*Occurrunt  
objectioni.* Matrimonij, quam interdictum Papæ: siqui-  
dem verè potest Papa ponere impedimentum  
dirimens Matrimonium, ut patet de tot aliis im-  
pedimentis dirimentiibus.

*Non oportet* distingui, si causa prohibi-  
distinguere, tions sit perpetua aut temporalis. Nam quām-  
ē causa sit vis sit solum temporalis, potest adhuc prudenter  
perpetua, aut Pontifex decernere, ut quamdiu durat talis cau-  
sa, si contrahatur Matrimonium, sit nullum &  
irritum. Sicut de facto Conc. Trident. ita insti-  
tuit impedimentum raptus, ut quamdiu raptus  
maneat in potestate raptoris, sit irritum Matri-  
monium, si contrahatur. Si ergo verba Pontifi-  
cis sufficienter eundem sensum reddant in qua-  
cumque alia causa temporali, pariter irritum red-  
ditur Matrimonium, si tunc contrahatur.

**153.** Rursus non oportet distingui, si clausula  
*Neque si* irritans sit specialis, aut tantum generalis, dum-  
*clausula* sit modò, inquam, sit sufficienter expressiva. Nam  
*specialis aut* dicendo ne contrahatur Matrimonium, & irri-  
tum sit quidquid contrà fiat, utique nihil magis  
potest intelligi irritum reddi, quam ipsum Matri-  
monium, quod interdicitur. Et licet Matri-  
monium sit res adeò ardua & gravis, tamen  
dum Pontifex illud justè prohiberet, & irritum  
faceret, quidquid contrà hanc ejus prohibitio-  
nem tentaretur, jam satis explicaret, se irritum  
reddere ipsum Matrimonium. Ita Aversa cum  
Pontio, lib. 6. c. 7. n. 5. & aliis, quos citat.

**154.** Quæ magis nituntur ratione, quam Epic-  
*Hæc viden-  
tut Auctori* ia, & ideò magis probabilia existimo. Eo sem-  
per salvo, ut optima legum interpres perma-  
neat consuetudo, quæ hic maximè attendenda  
est, & facere potest, ut lex, quæ aliquoquin sonat  
simplicem prohibitionem, censi rebeat irritans,  
& è converso, quæ sonat irritationem, haben-  
da sit pro simpliciter prohibente absque irritatione.

Nunquid ergo, dicet aliquis, per consuetudinem  
potest constitui impedimentum dirimens  
Matrimonium, aut etiam hujusmodi impedimentum abrogari? Pro responsione instituitur

## CONCLUSIO V.

Consuetudo inducit & abrogat im-  
pedimenta juris humani.

**155.** *A* ddo ly Iuris humani; quia nullum est jus  
*Consciuendo  
non prescri-* naturale aut Divinum positivum, contrà

quod consuetudo præscribat, id est, quod con-  
suetudine abrogetur, ut omnes fatentur. De ju-  
re naturali expressè habetur cap. ult. de Con-  
suetudine in principio: *Cum tantum sint graviora fin. de Con-  
peccata, quanto diutius infelicem animam detinent fuerit.  
alligatum, nemo sane mentis intelligit, naturali juri  
(cujus transgresio periculum salutis inducit) qua-  
cumque consuetudine (quæ dicenda est verius in hac  
parte corruptela) posse aliquatenus derogari,*

Ubi Gloss. verb. *Iuri naturali*, inquit: *Quod  
immobile perseverat, 5. dist. 5. Sed cum jus natu-  
rale, 25. q. 1. c. Sunt quidam. Et hoc verum est,  
quantum ad præcepta vel prohibiciones, quæ moralia  
sunt, & non mutantur: ut, Non occides. Non  
furtum facies. Honora patrem, &c. 6. dist. Non  
est, 5. His itaque. Et naturalia quidem jura im-  
mutabilia sunt, civilia verò mutabilia, Inßit. de Iu-  
re naturali. 5. Sed naturalia, infide Confang. &  
affin. c. Non debet: & ideò nulla consuetudo præ-  
valet contra jus naturale, etiam si omnes homines de  
mundo contra facerent, 32. q. 7. Flagitia.*

Ratio est: quia consuetudo habet omnem  
vivim suam ex voluntate humana, quæ, ut con-  
stat, non potest prejudicare voluntati *Probatur ex  
Divinæ ratione,* *script. Mar. 7.*  
ad quam spectat lex naturalis, & Divina positi-  
va. Sed neque jus Divinum uspiam disponit, ut  
consuetudo possit contrà legem naturalem aut  
Divinam positivam prævalere: immò & jus Di-  
vinum & humanum disposuerunt contrarium.

De humano patet ex d. cap. fin. & similibus *Item ex  
textibus, tñ Canonicis, quam civilibus, quos bre-  
script. Mar. 7.*  
textibus, quia res non est propria huic loco) *ib. 15. &c.*  
prætero. Divinum autem exp̄sum habemus *Mar. 7.*  
Matth. 15. v. 6. Irritum fecisti mandatum Dei  
proper traditiones vestras. Et Mar. 7. v. 8. Relin-  
quentes enim mandatum Dei, tenetis traditionem  
hominum, &c.

Igitur non habemus aliquod fundamentum  
seu indicium, rationabiliter præsumendi, Deum  
velle legem suam abrogari per consuetudinem  
oppositam. Sed neque id erat expediens, aut Di-  
vinam decens auctoritatem, ut perse patet. Cum  
ergo sint aliqua impedimenta, quæ jure naturæ  
seu Divino, vel prohibent, vel etiam dirimunt  
Matrimonium, liquet profectò, quod ejusmodi  
nequeant per consuetudinem abrogari, et si om-  
nes homines (ut sup. loquitur Gloss.) de mundo  
contra facerent.

Et ideò posui in Conclus. ly Iuris humani; **157.**  
quia de his solis impedimentis, quæ vel prohi-  
bent, vel irritant Matrimonium jure humano, ut abrogat  
impræsentiarum agimus; & hujusmodi impedi-  
menta posse induci atque abrogari consuetudine, *vel inauac-  
tum debet  
asserit nostra Conclusio, intelligendo consuetu-  
dinem rationabilem & legitimè præscriptam, scripta ex c.  
juxta illud d. cap. fin. de Consuet. Liceat etiam fin. de Con-  
longeva consuetudinis non sit vilis auctoritas, non ta-  
men est usque adeò valitura, ut vel juri positivo debeat  
præjudicium generare, nisi fuerit rationabilis, & legi-  
timè præcripta.*

Ergo si fructus rationabilis & legitimè præ-  
scripta, juri positivo debet præjudicium genera-  
re, ut docet Gloss. verb. *Legitimè sit præscripta,*  
in fine, ibi: *Sic ergo intellige, quod consuetudinis*